



«Очиқ бюджет»да «Менинг йўлим» лойиҳаси бошланди

2-саҳифада

Маҳалла раиси ишончнома беришга ҳақли

4-саҳифада



Бугунги сонда:

«Фарзандим болаликдан ногирон... Бирор имтиёз борми?»



16 ёшга тўлмаган ногиронлиги бўлган боласи бор аёлларга ҳар йили уч иш кунидан кам бўлмаган муддат билан ҳақ тўланадиган қўшимча таътил берилади. Шунингдек, улар хоҳишига кўра, ҳар йили ўн тўрт календарь кундан кам бўлмаган муддат билан иш ҳақи сақланмаган ҳолда таътилга чиқиши мумкин.

Шахс судланган бўлса, оиласи жабр чеккан...



Конституция қабул қилингани заҳоти ҳаётимиз бирданига ўзгариб, муаммоларимиз барҳам топиб қолмайди. Референдумдан кейин ҳам тинимсиз меҳнат қилишимиз, янги-янги ғояларни ҳаётга тадбиқ этишимиз, қонунларга ўзгартишлар киритишимиз, бир сўз билан айтганда, инсон кадр-киммати, унинг муносиб ҳаёти учун курашни давом эттиришимиз зарур бўлади.

Рекламада нималар тақиқланган?



Реклама жойлаштириш мақсадида давлат тадбирлари ва маросимларининг намойишини узиб қўйиш, реклама ва реклама ҳақидаги анонс билан узиб қўйилган теледастур ва телекўрсатув товусига нисбатан баландроқ қилиб белгилаш, телекўрсатувлар намойиш қилинаётганда реклама мақсадларида ҳаракатланувчи сатрдан фойдаланишга рухсат берилмайди.

Ҳоким ёрдамчилари Хитойда амалиёт ўтайди

АЙНИ ПАЙТДА ЎЗБЕКИСТОН ҲУКУМАТИ ДЕЛЕГАЦИЯСИ ТАРКИБИДА КАМБАҒАЛЛИКНИ ҚИСҚАРТИРИШ ВА БАНДЛИК ВАЗИРИ БЕҲЗОД МУСАЕВ РАҲБАРЛИГИДАГИ ВАЗИРЛИК ИШЧИ ГУРУҲИ ХИТОЙ ХАЛҚ РЕСПУБЛИКАСИДА БЎЛИБ ТУРИБДИ

Дунёдаги йирик мамлакатлардан бири аҳолисининг ўзини ўзи банд қилиш борасидаги ютуқлари, маҳаллий ишлаб чиқариш технологиялари ва касаначилик тажрибалари ўрганилмоқда. Ишчи гуруҳ Хитой давлатининг турли провинциялари олис ва яқин ҳудудларида истиқомат қилувчи аҳоли пунктларида камбағалликка барҳам бериш борасидаги тажрибалар билан яқиндан танишмоқда.

Ташриф амалий ишларга бой бўлмоқда Сафарнинг илк кунинда вазир бошчилигида ишчи гуруҳ Хебей провинциясининг Баодин шаҳрида бўлди. Делегация аъзоларига ушбу шаҳарнинг Қишлоқ туманларини ривожлантириш миллий бюроси бошлиғи ўринбосари Сзын Тяньбао, Камбағалликни қисқартириш бўйича халқаро Хитой маркази директори ўринбосари Ли Син ва Баодин шаҳрининг Қишлоқ туманларини ривожлантириш бўлими бошлиғи Ши Вей ҳамроҳлик

қилди. Ишчи гуруҳ Фупинг округидаги Луотован ва Гусзятэй қишлоқларига борди, ушбу қишлоқларда камбағалликни қисқартириш борасида амалга оширилган ишлар билан танишди.

Айтиш керакки, Фупинг округи Тайхан тоғи ғарбий қисмида жойлашган минтақа саналади. Бу сўлим гўша Баодин шаҳридаги энг яшил маскандир. Худуддан иккита тезюрар йўл – Баофу ва Сифу ўтади. Сюнсин тезюрар темир йўли жорий йилда қурилиши бошланиб, Фупингда станция очилган. 2012 йил 29-30-декабрда Хитой Халқ республикаси Бош қотиби Си Цзиньпин қашшоқликка қарши курашиш ва мамлакатни ривожлантириш жараёнлари билан танишиш мақсадида Фупингга ташриф буюради. Худуддаги Луотован ҳамда Гусзятэй қишлоқларига бориб, бутун партияни қашшоқликка қарши курашиш бўйича янги даврга сафарбар этиш тўғрисида қарор қабул қилади. Наттижада Фупингда 2020 йил февраль ойидан бошлаб

қашшоқликни қисқартиришга эришилган. Жумладан, 164 та камбағал қишлоқдаги 108 минг нафардан зиёд аҳоли қашшоқликдан чиқарилган.

Вазир Беҳзод Мусаев бошчилигидаги ишчи гуруҳ Фупингдаги замонавий боғдорчиликка ихтисослашган агропарк фаолияти билан танишди. 26 гектар ер майдонини эгаллаган агропаркда олма, нок, гилос каби мевалар етиштириш, асалари боқиш ва минерал сув ишлаб чиқариш йўлга қўйилган бўлиб, қишлоқлардаги 795 нафар аҳоли бандлиги таъминланган.

Шунингдек, «Хебей Гуюх Биотехнологий» Со. Лтд томонидан 50 гектар ер майдонини ташкил этилган кўзқорин етиштиришга мўлжалланган иссиқхона парки фаолияти ўрганилди. Мазкур иссиқхоналарни иситишда кўёш панелларидан фойдаланилади. 500 нафардан ортиқ ишчилар бандлиги таъминланган бўлиб, ҳар бир ишчининг даромади йилга 20 минг юанни (қарийб 3 минг АҚШ доллар) ташкил этади.

Давоми 2-саҳифада.

Маош ошса, жарима ва божлар ҳам ошадими?



Уй олди-сотдисиди энгиллик берилди. Янги қонунга кўра, уй-жойларни бошқа шахсга сотишдаги нотариал ҳаракатлар учун тўловлар қатъий миқдорда, яъни Тошкент шаҳри ва вилоят марказларида 300 минг сўм (аввал 900 минг сўмгача), бошқа ҳудудларда 150 минг сўм (аввал 450 минг сўмгача) этиб белгиланди. Бунда йиллик 322 мингта олди-сотди шартномалари учун аҳоли ихтиёрида 7,5 млрд. сўм қолади.

3-саҳифа.

Жаримани вақтлироқ тўлаганга чегирма берилади

15 кун ичида жарима миқдорининг 50 фоизи ёки 30 кун ичида 70 фоизи ихтиёрий равишда тўланган тақдирда, жариманинг қолган қисми тўланмайди.

4-саҳифа.

Маҳалланинг ҳуқуқий мақоми аниқ белгиланяпти



5-саҳифа.

Алимент тўламаган энди қамалмайдими?


Шу кунгача вояга етмаган фарзандининг таъминоти учун алиментларни ўз вақтида тўламаган шахсларга 15 сутка қамоқ ёки БҲМнинг 20 баравари, яъни 6 млн. сўм миқдорда жарима жазолари бор эди. Мисол учун, 2021 йилда алимент тўлашдан бўйин товлаган 5,3 минг, 2022 йилда эса 8,7 минг нафар фуқаро маъмурий қамоқ жазосига тортилган. Аммо қонунчиликдаги бундай чоралар алимент олувчи томонга ҳеч қандай наф бермасди...

7-саҳифа.

Рамазон ҳайитида хайрли амаллар бор




8-саҳифа.



Сайтимизга ўтиш учун QR-кодни телефонингиз орқали сканер қилинг!

Бизни ижтимоий тармоқларда кузатинг!



@xolis_nazar @xolis_nazar @xolisnazar @xolisnazar

